

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2505 del 13/09/2021

Traduzione in ladino

Orc didatics: ai 13 de otober va fora l termin per portèr dant i projec educatives

L'è 34.800 i Euro che la Provinzia à metù a la leta per engaissèr i projec educatives, de la regnèda de 3 egn, per meter en esser i orc didatics ouc al sparpagnament de la cultura del vert, de l'agricoltura, de la sostegnibilità de l'ambient e de viver a na vida sana. I projec educatives i pel esser porté dant da la scoles primaries e secondaries de prum e secondo nivel, tant provinzièles che paritaries tout fora cheles che à jà en esser projec. La domanes de azess al finanziament les cognarà vegnir portèdes dant da la scoles, tras l sistem de interoperabilità PiTre, dant che sie fora ai 13 de otober del 2021, al Servije istruzion – Ofize programazion e organizazion de l'istruzion.

Aldò de chel che perveit la Lege provinzièla n. 2 del 2018, la Provinzia de Trent l'à l'encèria de portèr inant e tegnir sù la realizazion di orc didatics, desche lesc per la coltivazion con finalitèdes formatives, tras modalitèdes de aprendiment con laboratories. Col provediment aproà anché, la Jonta provinzièla l'à pervedù n didament finanzièl per la istituzions scolastiches che les metarà en esser na programazion didattica adatèda, luran fora projec educatives spezifics.

La scomenzadiva, en esser jà dal 2018 en cà, l'à engaissà, enschin ades, a meter en esser 84 projec, te autertates sentes de la scoles primaries e secondaries de prum nivel. Da chest an però, les podarà portèr dant sie projec educatives ence la scoles secondaries de secondo nivel.

La domana de azess al finanziament la cogn esser portèda dant tras l formulèr aposta metù dant da la struttura de competenza, che se pel troèr sul sit www.vivoscuola.it.

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)